

Cartulaire de l'Abbaye de Redon en Bretagne: [832–1124], Nr. 1

Notum sit omnibus audientibus qualiter venit Conuoion ad Ratuili tirannum, deprecans eum sedentem secus fontem, in loco nuncupato Lesfau, ut ei locum congruum ad opus Dei exercendum largire dignaretur; quod et fecit, id est, donavit ei ipsum locum Roton vocatum, quem postulabat in elemosina pro anima sua et pro hereditate in regno Dei. Factum est hoc .v. feria, presente ac consentiente filio suo Catuoreto. Deinde intravit Conuuoion et alii fratres mundum deserentes, in ipso loco, seno numero, Roton vocato. Post hoc venit supradictus Ratuili ad ipsum locum, visitans fratres ibi Deum deprecantes, et firmavit supradictum locum eis in sua et imperatoris elemosina, et pro hereditate aeterna. Signuin Ratuili, qui donavit et firmare rogavit; x. Catuorett; x. Cumiau; x. Catlon; x. Roinuuallon; x. Mainnuoron; x. Sulon; x. Suluual; x. presbyter Retuuoret. Factum est hoc .IIII. feria mensis iunii, regnante domno Lodouico, .XVIII. anno imperii eius.